

SCRIPT OF EVENING GOJRI NEWS BULLETIN 06MAR 2026
1700HRS

اوننگ گوجری نیوز بولیٹن 06 مارچ 2026

یوہ آکاشوانی جموں بے ظفر اقبال تے نصرت تیں خبر سُنو۔

HEADLINES

۱۔ وزیر اعلیٰ عمر عبداللہ نے مختلف وفد سنگ ملاقات کرے ترقیاتی تے عوامی مسائل ور تفصیلاً گل بات کی۔

۲۔ حکام غے مطابق، جموں کشمیر مانہ سرکاری پنشن غو خرچ اگلا 10 براں مانہ دُگنو بون غی امید بے تے پُرانا پنشن نظام مالی طور ور قابل عمل نی بے۔

۳۔ چیف انتخانی افسر سنجیو ورما غے مطابق جموں کشمیر مانہ ووٹر فہرستان غی خصوصی نظر ثانی غا پہلا مرحلہ غو عمل شروع بو گیو بے۔

۴۔ جموں ریلوے ڈویزن نے مسافراں غی سہولت واسطے راج دہانی ایکس پریس مانہ ایک اضافی ترے تاثیر اے۔ سی کوچ نانہ شامل کرن غو اعلان کیو بے۔

۵۔ جموں تیں تعلق رکھن آلی بھارتی فضائیہ غی افسر اسکواڈرن لیڈر نیہا دیوی غی زندگی، نظم و ضبط تے مضبوط ادارہ غی ایک مثال بے۔

CM DELEGATIONS

کئی وفد نے اج وزیر اعلیٰ عمر عبداللہ سنگ اُن غی رہائش گاہ ور ملاقات کی تے وزیر اعلیٰ نانہ اپنا اپنا علاقوں تے معاشرتی مسائل توں متعلق ترقیاتی تے فلاح و بہبود بارے مسائل توں آگاہ کیو۔ راجیہ سبھا غا رکن سجاد احمد کچلو، سابق ڈی۔ ڈی۔ سی ممبراں پوجا ٹھاکر تے شمیم بیگم تے دیگر پسماندہ طبقات غا ایک وفد نے عبدالغنی تیلی غی قیادت مانہ وزیر اعلیٰ عمر عبداللہ سنگ ملاقات کی تے بکھ بکھ مسائل نانہ آجاگر کیو۔ وزیر اعلیٰ نے وفود نانہ تحمل نال سُنیو تے چایا گیا مسائل گو نوٹس لیو۔ وزیر اعلیٰ نے وفود نانہ یقین دوايو جے اُن غا مسائل تے شکایات نانہ جلد دور کیو جے غو۔

SDCM RLY CM

شمالی ریلوے جموں ڈویزن غا سننیر ڈویزنل منیجر اُچت سنگھل نے وزیر اعلیٰ سنگ ملاقات کی۔ ملاقات غے دوران ریلوے افسر سنگھل نے وزیر اعلیٰ نانہ علاقہ مانہ آن آلا ریلوے غا نوا منصوباں تے اقدامات غا بارا مانہ جانکاری دتی۔ اس موقع ور جناب سنگھل نانہ جموں کشمیر مانہ ریلوے خدمات نانہ مضبوط بنان تے اُن غی نمایاں خدمات غا اعتراف مانہ اعزاز وی پیش کیو گیو۔

PENSION BILL

جموں کشمیر حکومت غو پنشن خرچ 2020 تیں 2030 غے بشکار تقریباً دوگنو بون آلو بے۔ حکام غے مطابق تقریباً 2.48 لکھ سابق ملازمین نانہ پنشن تے الاونس دتا جارہیا ہیں۔ حکومت نے یوہ وی کہیو کہ پُرانا پنشن سسٹم دوبارہ

تیں شروع کرن غی کوئی وی تجویز زیر غور نی ہے، کیونجے اس واسطے لما وقت مانہ سرکاری خزانہ ور بہت زیادہ بوجھ بدھے غو تے مالی استحکام غو خطرو وی ہو سکے۔ سرکاری اعدادو شمار غے مطابق 2020-21 مانہ سابق ملازمین نانہ 5 ہزار 829 کروڑ روپیہ پنشن دتا گیا تھا، جد کہ اندازو ہے کہ 2030-31 توڑی یاہ رقم بدھ غے 11 ہزار 798 کروڑ روپیہ بوجے غی۔ یاہ معلومات حال بی مانہ جموں کشمیر قانون ساز اسمبلی مانہ ایک سوال غا جواب مانہ حکومت غی طرفوں دتی گئی۔

JK SIR

جموں کشمیر غا چیف انتخانی افسر سنجیو ورما نے کہیو ہے جے جس طرح ملک غا دیگر حصاں مانہ انتخابی فہرستاں ور خصوصی نظر ثانی غو عمل جاری ہے تے کج جگہاں ور اس عمل نانہ مکمل کیو گیو ہے اسے طرح جموں کشمیر تے ملک گا بکھ بکھ حصاں مانہ پہلا مرحلہ مانہ یوہ عمل شروع ہوو ہے انہاں نے بولتا واں کج اس طرح کہیو.....تقلی ووٹاں گا بارہ مانہ سنجیو ورما نے کہیو کہ اگر ووٹر گو نانہ ایک توں زیادہ جگہاں ور موجود ہے اس غو مطلب یوہ جان بوجھ غے کیو گیو ہے۔ انہاں نے کہیو جے ووٹر صرف ایک بار ہی اپنو ووٹ دے سکے۔ اس سلسلہ مانہ بولتا واں انہاں نے مزید اس طرح کہیو.....

RAILWAYS EXTRA COACH

شمالی ریلوے غا جموں ریلوے ڈویزن نے تہواراں غے دوران مچ رش غے بشکار مسافراں غی سہولت واسطے ریل نمبر 12426 جموں راج دھانی ایکس پریس مانہ ایک اضافی تیجی اے سی کوش شامل کرن غو اعلان کیو ہے اس کوچ نانہ 7 مارچ تے 14 مارچ نانہ مخصوص مدت واسطے عارضی طور ور شامل کیو جے گو۔ قابل ذکر ہے جے یہ تقریباً 72 اضافی نشستیں فراہم کرے غی۔ جس سنگ اڈیک غی فہرستاں نانہ کہت کرن تے آرام دن سفر کرن نانہ یقینی بنان مانہ مدد لبے غی۔ سننیر ڈویزنل کمرشل منیجر اوچت سنگل نے کہیو ہے کہ یوہ قدم مسافراں غی سہولت واسطے ڈویزنل غا عزم غی عکاسی کرے۔ مسافراں نانہ مشورو دتو گیو ہے جے وے آئی۔آر۔سی۔ٹی۔سی غی سرکاری ویب سائٹ یا ریلوے بارے پوچھ تاچھ نمبر 139 غے ذریعے سیٹ غی دستیابی غی معلومات کریں۔

SQDN LEADER NEHA

جموں تیں تعلق رکھن آلی بھارتی فضائیہ غی افسر اسکواڈرن لیڈر نیہا دیوی غی زندگی نظم و ضبط، ماں ہون غی ذمے داری تے مضبوط ادارہ غی ایک مثال ہے۔ انہاں نے جولائی 2013 مانہ آئیر فورس اکیڈمی مانہ شمولیت اختیار کی۔ اُس وقت ان غو وزن تقریباً 10 کلو زیادہ تھو۔ لیکن اپنی مسلسل محنت تے لگن سنگ انہاں نے ایک سال غے اندر خود نانہ مکمل طور ور بدل لیو۔ جون 2014 مانہ وہ پہلاں تیں زیادہ تندرست، مضبوط تے پُر اعتماد ہو غے بطور افسر منتخب ہوئی۔ سن 2017 توڑی باقاعدہ دوڑ تے جسمانی طاقت بدھان والی مشق ان غی روز مرہ غی زندگی غو ایک اہم حصو بن گئیں۔ ات توڑی کہ کووڈ 19 غے دوران

